

四庫全書

子部

欽定四庫全書

子部

玉機微義卷五十

詳校官太醫院恩糧臣袁大錫

編修臣倉聖脈覆勘

總校官知縣臣繆琪

校對官中書臣宋枋遠

謄錄監生臣王宮

欽定四庫全書

玉機微義卷五十

明

徐用誠 原輯

劉 純 續增

小兒門

論色脉法

脉經曰小兒四五歲脉呼吸八至細數者吉 小兒脉

呼吸八至者平九至者傷十至者困 診小兒脉法多

雀闕要以三部脉為主若緊為風癇沈者乳不消弦急

者客忤氣 小兒是其日數應變蒸之時身熱而脉亂
汗不出不欲食食輒吐嘔者脉亂無苦也小兒脉沈而
數者骨間有熱欲以腹按冷清也 小兒大便赤青瓣
殮泄脉小手足寒難已脉小手足溫易已 小兒病困
汗出如珠著身不流者死 小兒病其頭毛皆上逆者
必死耳間青脉起者痙痛 小兒病而顙限其口唇乾
目皮反口中氣出冷手足四垂其卧如縛掌中冷皆
死不治

脉訣啟蒙曰凡診小兒脉當大指按三部一息六七至為平和八九至為發熱五至為內寒弦脉為風癇沈緩為傷食促急為虛驚弦急為氣不和沈細為冷浮為風大小不調為鬼祟浮大數為風熱伏結為物聚單細為疳癆風腸痛多喘嘔而脉洪為有蟲浮而遲潮熱者胃寒也

按此本錢氏脉法也頗詳

虎口脉歌曰紫風紅傷寒青驚白色疳黑時因中惡黃

即因脾端

按全嬰等書云小兒三歲已前虎口第二指上寅卯關有脉紋見者可驗病狀男左女右視之脉紋從寅關起不至卯關者病易治若連於卯關者有病難治如寅連卯卯侵過辰關者十難救一若脉紋小或短者病易治也宜參視之

錢氏曰面上證左腮為肝右腮為肺額上為心鼻為脾頰為腎赤者熱也隨證治之 目內證赤者心熱導赤

散主之淡紅者心虛熱生犀散主之青者肝熱瀉青丸
主之淺淡者補之黃者脾熱瀉黃散主之無精光者腎
虛地黃丸主之潔古曰青是腹痛桂芍藥潔古曰肝病
面白 肺病面赤 脾病面青 腎病面黃 心病面
黑若肝病驚搐而又加面白痰涎喘急之類此皆難治
餘皆倣此推之叔和云春得秋脉定知死亦此意也
按錢氏云者本病也潔古則蕪勝已制化言之故後
五臟形證不容不辯也

論五臟形證虛實所主

錢氏曰肝主風實則目直大眦呵欠項急煩悶 虛則
咬牙多欠氣熱則外生氣溫則内生 肝熱手尋衣領
及亂捻物瀉青丸主之壯熱飲水喘悶瀉白散主之

肝有風目連劄不搖得心熱則搖治肝瀉青丸治心導
赤散 風甚身反張直不搖心不受熱也當補腎治肝
肝有熱目直視不搖得心熱則搖治與有風同 凡
病或新或久皆引肝風風動而止於頭目目屬肝風入

於目上下左右如風吹不輕不重兒不能任故目運
劄也若熱入目牽其筋脈兩眦俱緊不能轉視故
目直也若得心熱則搐以其子母俱有實熱風火
相搏故也

潔古曰肝主謀勇熱則尋衣捻物目連劄直視不能轉
視或極則身反強直折皆風熱也目者肝之竅屬木木
性急故如是

錢氏曰心主驚實則呌哭發熱飲水而搐虛則困卧

悸動不安 心病多呌哭手足動搖驚悸 心氣熱則
心胃亦熱欲言不能而有就涼之意故合面卧 心熱
視其睡口中氣溫或合面睡及上竄搖頭咬牙皆心熱
也導赤散主之 心實則氣上下澁合卧則氣不得通
故喜仰卧則氣得上下通也瀉心湯主之

錢氏曰脾主困病則困睡洩瀉不思食 實則困睡身
熱飲水虛則吐瀉生風

肺主喘實則悶亂喘促有飲水者有不飲水者 虛則

哽氣長出氣 肺熱手搥眉目鼻面 肺盛復有風冷
胸滿短氣氣急喘嗽上氣當先散肺後散風冷肺只傷
寒則不胸滿 肺虛熱唇深紅色治之散虛熱 肺臟
怯唇白色當補若悶亂氣麓喘促哽氣者難治肺虛損
故也 脾肺病久則虛而唇白脾者肺之母也母子皆
虛不能相營故名曰怯肺主唇白白而澤者吉如枯骨者
死

潔古曰肺主氣燥熱則壯熱飲水喘悶鼻乾燥手捫眉

面瀉白散 胸滿短氣氣急喘嗽上氣皆是肺氣有餘
復感風邪之所傷謂之微邪先瀉而復發散之

錢氏曰腎主虛無實也惟瘡疹腎實則黑陷 腎虛兒

本虛怯由胎氣不成則神不足目中白睛多其顱即解

自開也

面色眊白此皆難養縱長不過八八之數若恣

色慾多不及四旬而亡或有因病而致腎虛者非也又
腎氣不足則下竄蓋骨重惟欲墜下而縮身也腎水陰
也腎虛則畏明宜補之

潔古曰下竅者腎氣不足兩足熱不喜衣履足然此者
臍以下皆腎之所主緣心氣下行於腎部也此乃腎不
足而心有餘宜地黃丸

論五臟相勝虛實之邪

錢氏曰五臟相勝輕重肝臟病見秋木旺肝強勝肺也
宜補肺瀉肝輕者肝病退重者唇白而死

肺病見春金旺肺勝肝當瀉肺輕者肺病退重者目淡
青必發驚更有赤者當搖為肝怯當目淡青色也

心病見冬火旺心強勝腎當補腎治心輕者病退重者下竄不語腎怯虛也

腎病見夏水勝火腎勝心也當治腎輕者病退重者悸動當搖也

脾病見四旁皆倣此治之順者易治逆者難治脾怯當面目赤黃五臟相反隨證治之

又曰如肺病又見肝證咬牙多呵欠者易治肝虛不能勝肺故也若目直大叫哭項急煩悶者難治蓋肺病久

則虛冷肝強實而反勝肺也視病之新久虛實虛則補母實則瀉子

潔古曰肝勝肺則肝病身熱發搐又見肺虛喘而氣短病見於申酉戌時是肝真強也內經曰受所制而不能制謂之真強法當補脾肺而後瀉肝導赤散瀉黃散

肺勝肝則肺病喘嗽氣盛見於寅卯辰時木之位又以見肝怯少力正為鬼賊所尅法當補肝瀉肺若肺病嗽久虛羸無實不得瀉肺只宜用地黃丸補之不可服瀉

白散何謂也經云虛則補實則瀉之

按此謂五臟相勝病機不離五行生剋制化之理者
蓋小兒初在襁褓未有七情六慾只是形體脆弱血
氣未定腑臟精神未完所以有臟氣虛實勝乘之病
但世俗不審此理往往遇是率指為外感內傷而用
藥致枉死者多矣悲夫矧錢論脫畧幸而潔古補之
今特叅附誠所謂無窮之惠也

潔古曰五臟子母虛實鬼賊微正若不達旨意不易得

而入焉

在前者為實邪

子能令母實拒鬼賊不敢傷於母其子又引母所尅者妻相助故曰實邪也

在後者為虛邪

母引子之鬼賊至由此母能使子虛也內經曰子能令母實母能令子虛此之謂也

妻來乘夫為微邪

夫來乘妻為賊邪

法當瀉鬼補本臟

本臟自病為正邪

法當虛則補之實則瀉之內經曰滋苗者必固其根伐下者必枯其上逆其根則伐其本伐其本則敗其真矣按此以五行生尅之道論也義見難經五十難及後五臟治要論宜參考之

心主熱自病或大熱瀉心湯主之

實則煩熱黃連瀉心湯主之

虛則驚悸生犀散主之

肺乘心微邪

喘而壯熱瀉白散

肝乘心虛邪

風熱煎大羌湯下大青丸

脾乘心實邪

洩瀉身熱瀉黃散

腎乘心賊邪

恐怖惡寒安神丸

按乘者猶乘車之乘也大抵五臟之病相乘伏匿隱顯莫測已上但言本病乘勝之道故以五臟治要附于左宜叅攷焉凡心臟得病必先調其肝腎兩臟腎者心之鬼肝氣通則心氣和肝氣滯則心氣乏此心病先求於肝清其源也五臟受病必傳其所勝水能勝火則腎之受邪必傳於心故先治其腎逐其邪也

故其退腎也益肝氣兩方或診其脉肝腎兩臟俱和而心自生疾然後察其心家虛實治之

肺主燥自病則喘嗽燥則潤之

實則喘而氣盛瀉白散

虛則喘而少氣先益黃散而後阿膠散

心乘肺賊邪

熱而喘嗽先地黃丸中導赤散後阿膠散

肝乘肺微邪

惡風眩冒昏憤嗽羗活散

腎乘肺實邪

增寒嗽清利百部丸

脾乘肺虛邪

體重吐痰泄瀉嗽人參白朮散

凡肺之得疾必先觀心之虛實若心火炎盛鑠金即
當先抑心氣後喫肺藥若心氣和即更看脾脉若脾
氣虛冷即不能相生而肺家生氣不足則風邪易感

故患肺寒者皆脾虛得之若脾氣盛實則亦痞隔中焦而大腸與肺表裏不能相通夫中焦熱隔則肺大腸不通其毒熱之氣必上蒸於肺而生疾故患肺熱者多脾實得之心氣盛瀉之脾氣虛者益之脾氣實者通之然後隨其肺之寒熱以治之故有抑心氣益脾氣通脾氣三藥若診其脉氣心脾兩臟俱和而肺自生疾則但察肺家虛實而治之

肝主風自病則風搖拘急肝苦急急食甘以緩之佐以

酸苦以辛散之

實則風搖力大瀉青丸

虛則風搖力少地黃丸

心乘肝實邪

壯熱而搖利驚丸涼驚丸主之

肺乘肝賊邪

氣盛則前晨呵欠微搖法當瀉肺先補本臟補肝地黃丸主之瀉肺瀉白散主之

脾乘肝微邪

多睡體重搖先當定搖瀉青丸主之搖止再見後證則別立法治之

腎乘肝虛邪

增寒呵欠搖羗活膏

凡肝得病必先察其肺腎兩臟根其病之所起然後復其肝家本臟之虛實方可治療然腎者肝之母金者木之賊今肝之得病若非腎水之不能相生必是

肺金之鬼來相攻擊不得不詳審而求之故其來在肺先治其肺攻其鬼也其來在腎先補其腎滋其根也然後審其肝家本臟之虛實而寒溫之

脾主濕自病則泄瀉多睡體重昏倦脾苦濕急食苦以燥之

實則泄瀉赤黃睡不露睛瀉黃散

虛則泄瀉白色睡露睛白朮散

肝乘脾賊邪

風瀉而嘔茯苓半夏湯主之

心乘脾虛邪

壯熱體重而瀉羌活黃芩蒼朮甘草湯主之

肺乘脾實邪

能食不大便而嘔噉煎櫛榔大黃湯下葶藶丸

腎乘脾微邪

惡寒泄理中丸之類

凡脾之得病必先察其肝心兩臟之虛實根其源之

所起然後救療蓋肝是脾之鬼心是脾之母肝氣盛則鬼勝心氣虧則脾家生氣不足盛者抑之則退虧者益之則不乏故有抑肝氣益心氣兩藥診其脉肝心兩臟俱和則是脾自生疾察其虛實而治

腎主寒自病則足脛寒而逆人之五臟惟腎無實小兒瘡疹變黑陷則是腎實水尅退心火是以水能制火也

心乘腎微邪

內熱不惡寒桂枝丸

肺乘腎虛邪

喘嗽皮澁寒百部丸

肝乘腎實邪

拘急氣搐身寒理中丸

脾乘腎賊邪

體重泄瀉身寒理中丸

本臟虛弱是自己正令不行乃鬼賊之所尅害當補

本臟之正氣假令肺病喘嗽時於初春見之法當補腎見於夏救肺見於秋瀉肺見於冬補心瀉本臟乃名寒嗽大抵五臟各至本位即氣盛不可更補到所尅位不可更瀉五行之間惟腎之一臟母盛而子反受邪而物之性有不可一槩論者肺腎是也何則肺屬金射於皮毛所主者氣腎屬水主於骨髓所藏者精氣之輕浮能上而不能下精之沈重能下而不能上此物性之然今肺之盛蓋熱之作也氣得熱而上蒸則肺不能下

生於腎而腎受邪矣急食涼藥解之使臟氣溫和自能下生於腎此腎之病必先求之於肺若肺臟安和而腎忽然受病者不過脾之濕相刑於腎而生疾所以有解肺熱去脾邪兩藥若脾肺兩臟俱和而腎自生疾亦察其本臟而治之

論外感風寒

錢氏曰傷風貪睡口中氣熱呵欠頓悶當發散與大青膏解不散有下證當下大黃丸大飲水不止善食者可

微下餘不可下也 傷風手足冷脾臟怯也當先和脾
後發散和解傷風自利脾虛怯也 傷風腹脹脾虛也
補脾必不喘後發散仍補脾去脹瀉氣丸 傷風兼臟
兼心則驚悸兼肺則悶亂喘息哽氣長出氣嗽兼腎則
畏明各隨補母臟虛見故也 肝外感風呵欠頓悶口
中氣熱當發散若能食飲水不止當微下之餘不可下
謹按傷風亦有六經不止詳見傷風門

潔古曰小兒外傷於風秋冬用溫熱藥春夏用涼寒藥

若大熱飲水能食不大便用大黃丸作散子服之如身
表無大熱而小便不利是為有濕熱結膀胱仍用勝濕
藥白朮茯苓之類利小便則其熱自退如清便自調慎
不可妄下恐外熱逐於內而變結胸危證多矣

又曰傷寒依四時陰陽升降順剛柔而施治氣升則順
發之氣收則下之有汗發熱惡風脉浮緩者風傷衛桂
枝湯無汗發熱惡寒不當風而自增寒脉浮緊者寒傷
榮麻黃湯有汗發熱惡風脉浮緊無汗惡寒脉浮緩謂

之榮衛俱傷青龍湯桂枝麻黃各半湯無汗發熱不惡風寒脉沈洪者可下之更詳認其厥與不厥量寒熱淺深而治之有汗四肢厥脉沈微者名陰厥四逆湯無汗四肢厥脉沈滑者名陽厥大承氣湯加膩粉如四肢不厥身熱內外皆陽不動涼藥三五服下之

論諸熱證病本不同

全嬰方論曰夫潮熱者發歇有時或血氣盛實臟腑生熱或傷寒時疫觸受邪氣陰陽相勝也驚熱顛呌恍

惚夜熱夕發旦止 餘熱者寒邪未盡或傳經之遺熱也 食熱者肚背先熱 疳熱者骨蒸盜汗 壯熱一向不止錢氏云不已甚則發驚癇也 煩熱心躁不安喘麓甚則發癇也 積熱頰赤口瘡下盛則腰腿癰腫表裏實則身熱便澁虛則汗下後仍熱也 風熱汗出身熱呵欠面赤 虛熱困倦少力其有久嗽久瀉久痢久血久瘧以致諸疾之後成者皆虛熱也 客熱來去不定為陽邪干於心也心受邪則熱形於額故先起頭

面身熱多驚由真氣虛而邪氣勝也 癖熱涎嗽飲水
由乳食不消伏結於中致成癖塊也或痰嗽而驚或嘔
逆不定日中啗煎夜則啼呌乍熱乍涼如潮熱也 寒
熱者如瘧狀陰陽相勝也先寒而後熱陽不足先熱而
後寒陰不足寒多而熱少陰勝陽也熱多而寒少陽勝
陰也寒熱相半陰陽交攻也 血熱者每日巳午間發
熱遇夜則涼 疹熱耳鼻尖冷

錢氏曰胎熱者生下有血氣時呌哭身熱如淡茶色目

赤大便赤黃糞稠急食乳浴法主之

按已上辯諸證可謂詳悉但血熱證東垣謂夜則發熱晝則明了此血熱也蓋晝陽夜陰也食熱者手心熱愛氣吐乳嘔吐者多宜隨證推格兼玩本文

論變蒸身熱

全嬰方論曰夫變蒸者以長氣血也變者上氣蒸者體熱變蒸有輕重輕者體熱虛驚耳冷微汗唇中白泡狀如珠子重者寒熱脉亂腹疼啼叫不能乳食輒吐覘其

輕者三日重者五日古法以黑散子紫丸子主之其有不熱不驚或無證候暗變者多矣蓋受胎氣壯實故也按本論註云嘗攷錢氏與寶鑑論變蒸互說差殊錢氏云一變腎二變膀胱三變心四變小腸五變肝六變膽七變肺八變大腸九變脾十變胃故稱水數一先變也寶鑑云初變肝二變肺三變心四變脾五變腎二者所論皆五行顛倒相生者却逢相尅相尅者又逢相生大抵陰陽造化相生者順相尅者逆變蒸

者是長養血氣滋榮五臟相生之法此理昭然相生者有母子之道相尅者有夫婦之義相生所以相繼相尅所以相治原夫胎者得水火既濟陰陽造化五行相治而成形故始於腎氣之初生也小兒變蒸者當陰陽升降從五臟相繼而成人故始於肝之初變也雖二說互有所長大抵小兒所稟胎氣壯怯不同況所變之證不一古方用已上二藥非本病通變法也故不錄

論傷寒瘡疹同異

錢氏曰傷寒男體重面黃女面赤喘急憎寒口中氣熱呵欠煩悶項急也瘡疹則腮赤躁多噴嚏悸動昏倦四肢冷傷寒當發散之治疹行溫平有大熱者解毒餘見前說潔古曰凡傷風則皮澁拘急鼻塞癰疹則睡中發驚悸呵欠嚏噴是為易識矣

論急慢驚風

錢氏曰急驚因聞大聲或大驚而發搐發過則如故此

無陰也當下利驚丸主之此證本因熱生於心身熱面赤引飲口中氣熱大小便黃赤劇則搐也蓋熱甚則風生風屬肝此陽盛陰虛也故利驚丸主之以除其痰熱不可與巴豆及溫藥大下之恐搐虛熱不消也小兒熱痰客于心胃因聞聲非常則動而驚搐矣若熱極雖不聞聲及驚亦自發搐 慢驚因病後或吐瀉脾胃虛損遍身冷口鼻氣出亦冷手足時瘳瘳昏睡露睛此無陽也瓜蒌湯主之 凡急慢驚陰陽異證切宜辯而治之

急驚合涼瀉慢驚合溫補如不分別則誤甚矣

閻孝忠曰急慢驚風古人無之惟曰陰陽癇陽動而速故陽病曰急驚陰靜而緩故陰病曰慢驚此陰陽虛實寒熱之別治之不可誤也急驚猶有熱熱即生風又或因驚而發則目為連劄涎潮搐搦身體口中氣皆熱及其發定或睡起即了了如故此急驚證也當其搐熱漸減食與鎮心退熱藥候定以藥即下其痰熱心神安寧即愈慢驚得大病之餘吐瀉之後或誤取轉泄致脾胃

虛損風邪乘之似搐而不甚搐似睡而不似睡四肢與口中氣皆冷睡露睛或胃痛而啼哭如鴉聲此則危證脾胃虛損故也

潔古曰急驚陽證也俱腑受病爾小兒客痰熱於心膈是少陽相火旺經云熱則生風因聞大聲而作蓋謂東方震卦得火氣而發搐火本不動得風而動當用利驚丸導赤散瀉青丸地黃丸主之搐止服安神丸慢驚陰證也俱臟受病爾蓋小兒吐瀉病久脾胃虛損若不早

治則成慢驚名曰瘈瘲似搐而不甚搐也因脾胃虛損故大便秘不聚當去脾間風先以宣風散導之後用史君子九益黃散則其利自止既已失治則脾肺俱虛致被肝木所乘是為慢驚也當用溫補羌活膏

全嬰方云驚證因風則目青面紅發搐因驚其病在心忽然叫聲發搐因食則其證噁吐氣即發搐皆陽癇也肺胃經虛則生粘痰痰者肺胃所出也痰則凝滯在於咽喉如牽鋸之聲時復瘈瘲或因吐瀉所致脾虛則肺

亦虛涎痰流溢其證亦然皆陰癰也 身熱脉浮精神恍惚或吐或瀉不思乳食發搐即是半陰半陽合病身涼脉沈精神倦怠不吐不瀉又能乳食發搐者亦是半陰半陽合病正如傷寒半是表半是裏也亦有急驚涼瀉而不愈或與吐下藥太過變為慢驚慢驚溫補而不愈變為急驚互相更變者多矣

按已上諸家所論殆盡證治之要矣但錢云慢驚用栝蒌湯恐傳寫誤耳大抵驚主風木甲木屬陽腑病

故急易治乙木屬陰臟病故慢難治如大人驚恐即
後洩蓋甲木尅戊土也況小兒五臟之氣未實神氣
未完而自病乎證非病後及吐瀉脾胃虛損得者中
有夾火夾熱夾痰夾食病因不同至風邪內陷入腑
入臟亦與外中風相似故治此者當本錢氏虛實補
瀉法則不致犯禁之悞藥有太過不及之失

論發搐有風有熱有痰有食補瀉不同

驚癇發搐錢氏曰男發搐目左視無聲右視有聲女發

搐目右視無聲左視有聲相勝故也 潔古曰男為木左視木位右視金位相擊則有聲男反右視女反左視亦皆有聲

早辰發搐錢氏曰因潮熱寅卯辰時身體壯熱上視手足動搖口内生熱涎項頸急此肝旺當補腎治肝也 潔古曰潮熱於寅卯辰木之位是肝旺也當補水以制心火瀉肝木以止其搐

日午發搐錢氏曰因潮熱巳午未時發搐心神驚悸目

上視白睛赤色牙關緊口內涎手足動搖此心旺也
當補肝治心

潔古曰巳午未火之位而發潮搐者心熱也導赤散
及涼驚丸

日晚發搐錢氏曰因潮熱申酉戌時不甚搐而喘目微
邪視身體似熱睡露睛手足冷大便淡黃水是肺旺
當補脾治心肝

潔古曰肺之位而肝強法當補脾恐被木之賊所尅

害先瀉心肝以剋其勢瀉心導赤散瀉肝瀉青丸而後補脾益黃散

夜間發搐錢氏曰亥子丑時不甚搐而卧不穩身體溫壯目睛緊斜視喉中有痰大便銀褐色乳食不消多睡不省補脾治心導赤涼驚主之

潔古曰皆因大病之後脾胃虛損多有此疾法當補脾涼心

傷寒後發搐錢氏曰傷風後得之口中氣出熱呵欠頓

悶手足動搖當發散大青膏主之小兒本怯者多此病也

潔古云因傷風而得已上證者同大人傷風寒之類當辨有汗無汗陰陽二證用大青膏仲景小續命之類開發則愈

傷食後發搐錢氏曰因食得之身體溫多唾多睡或吐不思食而發搐當先定搐搐退白餅子下之後與安神丸
潔古曰傷食發搐謂不因他病忽然而搐此因飲食

過度致損脾胃故見多睡或吐不思飲食脾胃既虛
引肝風則發搐當先定其搐加菴活防風煎下瀉青
丸後用白餅子下其食漸漸用調中丸異功散養其
氣

百日內搐錢氏曰真者不過三兩次必死假者發頻不
為重真者內生驚癇假者外傷風冷蓋血氣未實不
能勝任乃發搐也欲知假者口中氣出熱也治之可
發散大青膏及用塗顙浴體法

錢氏曰惟癰疹能作搐風火相爭故也治當瀉心肝
補母

雜病目赤兼青者欲發搐 咬牙甚者發搐

全嬰方曰凡身體壯熱耳輪鼻尖及手足稍俱冷忽發
搐者此非驚是豆搐也 夫驚搐有陰陽兩證陰者
拇指在內陽者拇指在外陽拳者順陰拳逆也

凡目鮮目眳目白目青目斜目闕目轉目瞪聲焦聲
啞聲顫聲輕啞口弄舌捲舌露筋噓氣哽氣噎氣撮

唇噎乳噎食忽然定睛吐涎吐沫拗頸仰身搖頭擦
面藏頭畏明手攣手顫脚彎不伸忽撩忽亂恍惚精
神失張失志眠睡不寧睡中喜笑困戛齒齧心煩躁
熱啼哭咬人面臉弄色或紅或青伸舒用力微微作
聲有已上證候驚搐先證也預防之驅風膏琥珀散
更擇對證藥

閻孝忠曰似搐而不甚搐此名瘈瘲

按此所論諸臟旺實或傷風因食所致發搐旺者當

瀉實補虛傷風者當發散食宜下之此則與因驚發
搐所異也大抵驚病發搐多自外感自內因者如吐
瀉後脾虛所致或熱極生風之類是也餘證發搐已
上亦備所因不同但世俗罕能分於臨證用藥不無
實實虛虛之失反為害耶

論咳嗽

錢氏曰嗽者肺感微寒八九月間肺氣大旺病嗽者其
病必實非久病也其證面赤痰盛身熱法當以葶藶丸

下之若久者不可下也十一十二月嗽者乃傷風咳也
風從背脊第三椎肺俞穴入也以麻黃湯汗之有熱證
面赤飲水涎熱咽喉不利者宜蕪甘桔湯治之若五七
日之間其證身熱痰盛唾粘者以褊銀丸下之有肺盛
者咳而後喘面腫欲飲水有不飲水者其身即熱以瀉
白散瀉之若傷風咳嗽五七日無熱證而但嗽者亦葶
藶丸主之後用化痰藥有肺虛者咳而更氣時時長出
氣喉中有聲此久病也以阿膠散補之痰盛者先實脾

後以補銀丸微下之涎退即補肺如上法有嗽而吐水
或青綠水者以百祥丸下之有嗽而吐痰涎乳食者以
白餅子下之有嗽而咳膿血者乃肺熱食後服甘桔湯
久嗽者肺亡津液阿膠散補之咳而痰實不甚喘而面
赤時飲水者可補銀丸下之治嗽大法盛即下之久即
補之更量虛實以意增損

按此論小兒欬證既有外感內因之殊虛實之異治
法外此宜與欬門諸方約之

論吐瀉有傷乳食有風有熱有寒有虛

錢氏曰吐乳瀉黃傷熱乳也吐乳瀉青傷冷乳也有初生三日內或至十日吐瀉壯熱不思食大便乳不消或白色是停食當下之後和胃下用白餅子或食乳不消身溫涼不思乳大便青白色此上實下虛也更有無見證吐瀉因傷風得之身溫乍涼乍熱睡多氣麤大便黃白色嘔吐乳食不消時咳嗽更有五臟無見證當煎入臟君臣藥先大青膏後服益黃散如先曾下或無下

證慎不可下也此乃脾肺受寒不能入食也 傷風吐瀉身熱多睡能食乳飲水不止吐痰大便黃水此為胃虛熱渴吐瀉也當生胃中津液以止其渴止後用發散藥止渴多服白朮散發散大青膏 傷風吐瀉身涼吐沫瀉青白色悶亂不渴哽氣長出氣睡露睛此傷風任再輕怯因成吐瀉當補脾後發散此二證多病於春冬也 吐瀉於五月二十五日以後身壯熱此熱也小兒臟腑十分中九分熱也或因傷熱乳食吐乳不消瀉深

黃色玉露散主之 六月十五日以後吐瀉身溫似熱

臟腑六分熱四分冷也吐嘔乳食不消瀉白黃色似渴或食乳或不食乳食前少服益黃散食後多服玉露散

七月七日以後吐瀉身溫涼三分熱七分冷也不能食乳多似睡悶亂哽氣長出氣睡露睛唇白多噦欲大便不渴食前多服益黃散食後少服玉露散 八月十

五日以後吐瀉身冷無陽也不能食乳乾噦瀉青褐水當補脾益黃散主之不可下也虛羸脾胃不和不能食

乳致肌瘦亦因大病或吐瀉後脾胃尚弱不能傳化穀氣也有冷者時時下利唇口青白有熱者溫狀身熱肌肉微黃此冷熱虛羸也冷者木香丸主之夏月不可服如有證則少服之熱者胡黃連丸主之冬月不可服如有證則少服之

潔古曰夏月心火用事治吐瀉不可用溫暖藥秋用溫藥秋深用煖藥更有五臟無見證如有風瀉防風羌活有熱瀉黃芩大黃有寒瀉附子有濕瀉白朮茯苓

苓有肺瀉芍藥桂 定喘荊芥人參如甚加檳榔木
香大便不通則加大黃更詳看病新舊新則止之久則
腸風之患宜推陳致新法當宣風散導通以用入臟君臣
藥調之益黃散

凡大瀉引飲者其病不以新久皆宜服白朮散痢病亦
同身熱吐瀉咳嗽是風木入於脾母虛其子亦弱法當
煎檳榔豆蔻湯下大青膏後服益黃散 身熱吐瀉大
渴大便必少是熱入膀胱亡失津液此為大逆是陰陽

相乘也五苓散主之 身涼吐瀉不渴則知為寒瀉當
補之煎附子桂枝湯下大青膏 陰陽相乘肝入于胃
故發熱而嘔當服白朮散後煎檳榔木香湯下大青膏
閻孝忠曰凡小兒吐瀉當溫補之予每用理中丸以溫
其中以五苓散導其逆連與數服兼用異功散等溫藥
調理之徃徃便愈若已虛損當速生其胃氣宜與其四
味理中丸并研金液丹末煎生薑米飲調灌之惟多服
乃效候胃氣已生手足漸暖陰退陽回然猶瘕瘕即減

金液丹二分增青州白丸子二分無用異功散菴活
膏溫白丸鈎藤飲子之類調理至安依此治之仍頻與
粥雖至危者徃徃死中得生十救八九金液丹治小兒
吐瀉虛極最妙沈存中良方論金液丹云親見小兒吐
利劇氣已絕服之復活者數人真不妄也須多服方驗
按此證錢論傷乳食所致分冷熱傷風辨兼見證明
寒熱因而治可謂究其緒矣閻主溫中無用金液丹
之類蓋是治寒證濕證及升提下陷之法至潔古更

分時令備兼見證而用藥治法殆無餘蘊但吐瀉止作一證然有吐而不瀉瀉而不吐則當別議若吐而不瀉傷冷者宜溫胃瀉而不吐傷冷而脉微者宜灸之亦不可不分蓋病本之不一也

論疳證虛實

錢氏曰疳者皆脾胃病亡津液之所作也云云疳在內目腫腹脹利色無常或沫青白漸瘦弱此冷證也疳在外鼻不赤爛自揉鼻頭上有瘡不著痂漸遠耳生瘡

治鼻瘡爛蘭香散諸瘡白粉散治之五臟疳筋疳骨疳
形證詳見本論

潔古曰疳者小兒病癖或久吐瀉醫者妄投轉過之藥
小兒易為虛實致之胃虛而亡失津液內發虛熱外消
肌肉一臟虛則諸臟皆弱其病目胞腫腹脹利色無常
漸加瘦瘁久不痊可是腸胃有風積法當用宣風散導
之後各依本臟補其母

大抵小兒疳病肌羸血氣不足同大人癆瘵之疾

按疳證惟錢氏論中最詳 宜玩本文

論腹痛所因

錢氏曰積痛口中氣溫面黃白目無精光或白睛多及多睡畏食或大便酸臭者當磨積宜消積丸甚者當白餅子下之後和胃 蟲痛面眇白心腹痛口中沫及清水出發痛有時安蟲散主之小兒本怯者多此病積痛食痛虛痛大同小異惟蟲痛當口淡而沫自出

按小兒腹痛亦有傷冷食乳物及濕熱欲作痢而痛

或發痧疼痛者皆宜詳悉

論小兒癖積

錢氏曰腹中有癖不食但飲乳是也當漸用白餅子下之小兒病癖由乳食不消伏在腹中乍涼乍熱飲水或喘嗽與潮熱相類不早治必成疳以其有癖則令兒不食致脾胃虛而發熱故引飲水過多即蕩滌脾胃亡失津液脾胃不能傳化水穀其脉沈細益不食脾胃虛衰四肢不舉諸邪遂生羸瘦而成疳矣

論痘瘡輕重

錢氏曰凡瘡疹一發便出盡者必重也瘡夾疹者半輕半重也出稀者輕裏外肥紅者輕外黑裏赤者微重也外白裏黑者大重也瘡端裏黑點如針孔者勢劇也青乾紫陷睡昏汁出不止煩躁熱渴腹脹啼喘大小便不通者困也凡瘡疹當乳母慎口味凡飢及風寒歸腎變黑難治也有大熱當利小便有小熱宜解毒若黑紫乾陷者百祥九下之不黑者慎勿下看時月輕重大抵瘡

疹屬陽出則春夏為順秋冬逆冬月腎旺又盛寒病多
歸腎變黑又當辨春膿疱夏黑陷秋癰冬疹亦不順也
黑者無問何時十難救一其候寒戰噤牙或身黃腫紫
宜急以百祥丸下之復惡寒不已身冷出汗耳聾反熱
者死腎氣大旺也下後身熱飲水可治脾旺勝腎寒去
而溫熱也 先發膿疱後發疹子者順後發癰子者逆
先發水疱後發疹子者逆 先發膿疱後發水疱多
者順少者逆 先水疱後癰子多者逆少者順 先疹

子後痲子者順 凡瘡疹只出一般者善

潔古曰一發便密如針頭形勢重者合輕其表而涼其
內連翹升麻湯若痲已發密重微喘飲水者有熱證則
去風藥微下之若出不快清便自調知其表不在裏
當微發散用升麻葛根湯若青乾黑陷身不大熱大小
便澁則是熱在內煎大黃湯下宣風散若身表大熱表
證未罷不可下若痲疹已出見小熱小便不利當利之
已發後有餘毒未散復有身熱瘡腫之類當用茶粉下

解毒丸瘡疹已出後有聲音者乃形病氣不病也瘡疹未出先聲音不出者乃形不病而氣病也若瘡疹出而聲音不出者是形氣俱病也當清其肺氣常用八風湯并涼膈散去硝黃亦可

論痘瘡用熱藥之誤

丹溪曰讀前人之書當知其立言之意苟不知其意求適於用不可得也痘瘡之論錢氏為詳歷舉源流明經絡分表裏虛實開其治法證以論辨深得著書垂教之

體使後人如求方圓於規矩較平直於準繩引而伸之觸類而長之可謂無窮之應用也今人不知致病之因不求立方之意倉卒一試設有不應并其書而棄之近因局方之學行素問之道不明類皆喜溫而惡涼喜補而惡解利忽得陳氏方論遂以為錢氏不及也雖然陳氏亦可謂善求病情者大率歸重於太陰一經蓋以手太陰屬肺主皮毛足太陰屬脾主手足肺金惡寒而易於外感脾土惡濕而無物不受觀其用丁香官桂所以治

肺之寒用附木半夏所以治脾之濕也使脾與肺果有寒與濕而無有虛也中病則已何傷之有今徒見其出遲者身熱者泄利者驚悸者氣急者渴思飲者例與木香散異功散者間有偶中之効不思一偏之禍若錢氏方固未嘗廢細辛丁香白朮參芪葷率有監制輔佐之藥但有寒涼者多而補助一法畧爾端緒痴人不可說夢錢氏之慮深矣亦將俟達者推充而用之夫渴者用溫藥痒塌者用補藥自陳氏發之迥出前葷然其多用

燥熱或未適中恐其立方之際必有挾寒而痘者余嘗
會諸家之粹而用之聊陳一二從子六七歲時出痘身
熱微渴自利或欲用木香散加丁香十粒煎予觀其出
遲固因其自利而氣弱察其所下皆臭滯因熱蒸而下
恐未必寒急止之已投一貼矣與黃連解毒湯加白朮
近十貼以解之利止痘出其後肌常微熱手足生癰又
與涼劑補一月安一人年七十歲發熱而昏倦其脉大
而似數與參芪歸朮陳皮大料濃湯飲之二十貼痘出

又二十貼膿胞成身無全膚或欲用陳氏本方與之予
曰但虛無寒也又與前方至六十貼而安至正甲申春
邑間痘瘡不越一家率與陳氏方童幼死者百餘雖曰
天數吾恐人事亦或未之盡也

謹按錢氏論痘瘡形色輕重困劇而用藥已具其端
緒矣至潔古又辨所無之證及候音聲察形氣為病
而處治治法可謂詳悉但世俗不深求其意反有疑
似丹溪先生所以言之諛諛也大抵世俗喜溫而惡

涼將錢氏之法不去推充至多疑似如云不可妄下
蓋妄之一字戒慎之意當有可下之理也若瘡疹初
發有因裏實而出不快渴而脈數便秘煩躁不下可
乎有將懣之際裏實而渴便秘身熱不下可乎或云
首尾俱不可下或指為上吐下瀉不可下皆非也但
自病體虛實不等時令中治法之異要當適中病情
爾故錢氏云看時月此句關係甚妙如冬月盛寒便
難例用涼劑且小兒痘瘡本五臟之毒所發非止屬

諸痛痒瘡皆出心火之比故陳氏方一出亦多獲效
今人用錢氏方亦有致悞者蓋不善用其法之過非
製法者之過也宜求乎立方本旨矧歲氣時臨災青
淺深不同小兒體有虛實之異用藥不可輕舉詳潔
古以微下法中佐以風劑是兼升發之意亦慎之也
何熱劑與香竄之藥豈可例用乎然有毒入關竅肌
骨間邪氣下陷用此而獲生者或有之恐千百而一
二也

論癰疹證治

王海藏云夫癰之為病皆由子在母腹中時浸漬食母血穢蘊而成毒皆太陰濕土壅滯君相二火之所作也因小兒真氣既盛正氣又旺邪無所容或因天寒傷表或傷裏癰由是而生焉治當外者外治內者內治中外皆和其癰自出至於惡寒者發之表大熱者奪之渴者清之秘者通利之驚者安之泄者分之不可執一大抵傷寒同治隨經用藥最為高論假如五日以裏諸病與

癰疹不能別辨者不可疑似必須發之但各從其所傷
應見治之皆不妨癰出若強發之其變不可勝數矣前
人言首尾俱不可下者何也曰首不可下者為癰未顯
於表下則邪氣不得伸越此脉證有表而無裏故禁首
不可下也尾不可下者為癰毒已顯於外內無根蒂大
便不實無一切裏證下之則癰氣逆陷故禁尾不可下
也又言溫煖不令通風癰若已出身熱天暄何必蓋覆
不使之通風乎後人執此二句不知天令人事通變致

候者多大抵以脉為主浮中沈之診平舉按之候察其
虛實定其中外則可以萬全矣

論未顯症證所用之藥

外傷升麻湯 內傷枳實丸 大便更者枳朮丸

傷冷者溫之神應丸 惡寒者發之防風蒼朮湯

表大熱者奪之此表者通言三陽也夫陽盛則氣必上
行言奪者治之不令上行也 大便秘結者下之桃仁
承氣四順飲柴胡飲選用察其在氣在血 渴者清之

大渴者白虎湯小渴者涼膈散 小便不通者利之導
赤散八正散之類當求上下三焦何經而用藥驚者分
輕重安之 泄者察寒熱分之

已顯症證所用之藥

出不快化毒湯 出太多犀角地黄湯 地骨皮鼠粘
子湯 咽不利桔梗甘草粘子湯 煩者桔梗甘草梔
子湯

肺不利紫草甘草枳殼湯

太陽出不快荊芥甘草防風湯

陽明出不快升麻加紫草湯

少陽出不快連翹防風湯

四肢出不快防風芍藥甘草湯

小兒治法

治風之劑

小續命湯

一名寬筋湯

治小兒吐瀉之後因虛生風瘳

瘳神昏涎盛不利

麻黃

去節半兩

防風

一分半

芍藥

附子

人參

川芎

白朮

防己

各一兩

黃芩

一分

桂枝

甘草

各半兩

右為粗末每三歲一錢水煎入薑棗有汗者去麻黃

錢氏大青膏治小兒熱盛生風欲為驚搐血氣未實不

能勝邪故發搐也大小便依度口中氣熱當發之

天麻末

一錢

白附子

一錢半

蝎梢

半錢

硃砂

一字

麝

一字

烏蛇肉

酒浸焙乾半錢

青黛

一錢

天竺黃

一字

右同為末生蜜和成膏每服半皂子大月中兒粳米

大

天麻防風丸

見後

按已上三方風自內因者宜此汗之可見裏之表證
與外因不同矧有驚風痰熱食熱等類者臨證並宜
選擇

驅風膏

瀉青丸加辰砂蝎尾

按此表裏藥也

浴體法

天麻末

二錢

蝎尾

硃砂

各半錢

烏蛇肉

酒浸

為末

白礬

各三錢

麝

一字

青黛

三錢

右同研勻每三錢水煎入桃枝一握并葉五七枝溫洗之勿浴背

塗顙法

麝

一字

蝎尾

半錢

薄荷葉

半錢

蜈蚣末

牛黃末

青黛末

各一字

右研勻熟棗肉劑為膏新綿上塗勻貼顙上四方可
出一指許火上炙手頻熨百日裏外兒用此法

謹按世俗週歲上下小兒諸風搐證用浴體搗洗法
得汗立效殊勝火灸蓋艾有悞加於風熱陽癇也慎
之

局方敗毒散治小兒傷風身熱鼻塞

方見熱門

拔萃防風蒼朮湯治小兒邪熱在表惡風風寒所傷

防風

半兩

蒼朮

石膏

各一兩

甘草

炙半兩

川芎

黃芩

各二錢半

右為粗末每二錢入薑薄荷葉煎

升麻黃芩湯治小兒中風身熱頭項強自汗表不和也

升麻

葛根

黃芩

芍藥

各五錢半

甘草

二錢半

右㕮咀每二錢水煎

按此二方陽明經藥也

大羌活湯治風熱

方見寒門

錢氏塌氣丸治脾風腹脹

胡椒

一兩

蝎尾

半兩

右糊丸粟米大每五七丸至一二十九

按此宣風補脾藥也

羌活膏

見後驚劑

全嬰方加減惺惺散治小兒傷風風熱及傷寒鼻塞發熱驚悸頭痛咳嗽時行風熱

蒼朮

川芎

細辛

羌活

防風

白芷

天花粉

甘草

赤芍

桔梗

麻黃

荊芥

當歸

薄荷

右等分水煎一錢入薑

按此太陽例藥也

已上諸方宜隨諸經輕重選用

僵蠶散治小兒中風不語失音闕隔不通精神昏憤

僵蠶

半兩

羌活

一兩

麝

半錢

右為末二歲半錢薑汁少許調和湯浸服又以菖蒲末於舌根上頻用之

桂葛散治小兒急中風失音不語

桂心

一兩

石菖蒲

一分

右為末三歲一錢水煎服若大病後不語者用猪膽
汁調下未語再服

按此二方出太陽例可見中風傷風例不同故錄之

治寒之劑

仲景桂枝湯治感冒風寒身熱惡寒自汗

麻黃湯治冒風寒身熱鼻塞寒慄無汗

桂枝麻黃各半湯

小青龍湯治感風寒脉緩發熱腹痛或利

理中湯治感寒腹痛

方並見寒門

謹按世俗治傷寒多不本仲景初法矧小兒乎惟近代鄭友端集全嬰方於傷寒多採其例言桂枝湯自西北二方居人四時行之無不驗江淮間惟冬及春可行之自春末及夏以前桂枝證加黃芩一分謂之陽旦湯夏至以後有桂枝可加知母石膏各半兩或加升麻一分若病人素虛寒者正用古方不在加減

也可謂得其旨趣故茲寒例與夫變證法並見本論
今不詳錄但以變法一二附于左

葛根升麻湯

方見升麻湯

右咬咀水煎

按此方陽明藥也世俗用治小兒傷風及發癰瘡疑
似之間者皆用之故收入然亦須審諦而行之可也
故王海藏云活人言傷寒頭痛如破者連鬚葱白湯

次又不已者葛根升麻湯恐太陽流入陽明用斷其
路故以此湯主之地黃湯內如無犀角以升麻代之
是知陽明藥非太陽藥也人或初病太陽證便與此
湯是遺太陽不惟遺經反引太陽邪氣入陽明不能
解也其變可勝言哉故不可不慎之況小兒乎

麻黃黃芩湯治小兒傷寒頭痛身壯熱無汗鼻塞目澀
小便清者知不在裏可汗之

麻黃

三錢

赤芍

黃芩

各一錢半

甘草

炙

桂枝

各半錢

右為粗末水煎

按此太陽例藥也

惺惺散治傷寒時氣風熱痰壅欬氣不和

桔梗

細辛

人參

甘草

炙

白茯苓

白朮

瓜蒌根

各一兩

右為末每二錢水煎入薄荷五葉一方加防風川芎

各一分

按此少陰例藥也

東垣麻黃升麻湯治小兒寒鬱而喘喉鳴臍中鳴腹滿
鼻流清涕脉沈急而數

麻黃

草豈薊

各一錢半

益智仁

一分半

厚朴

吳茱萸

各二分

甘草

一分

當歸尾

升麻

麴末

蘇木

各半分

柴胡

黃芩

各一分

紅花

少許

蝎

二箇

右咬咀作二服水煎稍熱服

按此太陽例藥也然有所兼之證故用是變法隨證
加減之也

治熱之劑

錢氏瀉青丸治肝熱搐搦脉洪實

當歸

龍膽

山梔

川芎

大黃

羌活

防風

右等分蜜丸雞頭大每服一丸

按此瀉乙木之陰火藥也治風熱表裏之劑

瀉心湯治心經實熱

按此瀉心火藥也

瀉黃散治脾熱目黃口不能吮乳

按已上治已土濕熱之藥風勝濕甘寒瀉火也與已上並治實熱之劑

瀉白散治肺熱目黃口不能吮乳喘嗽

按此瀉肺邪之有餘補辛金之不足也

導赤散治內熱小便赤黃心躁睡語

按此治丙火藥也

安神丸治邪熱驚悸面黃頰赤

按此治心肺胃熱氣分藥也清鎮之劑

已上方並見熱門

地黃丸治瘡熱腎虛瀉血失音身瘦目翳生疥解顛不
合長大不行可服取效

方見補虛門

按此治癸水不足藥也

地骨皮散治小兒肌熱

白虎湯治小兒發熱而渴

方並見熱門

生犀散治小兒肌熱

生犀

地骨皮

赤芍

柴胡

葛根

甘草

右咬咀水煎

按此少陽陽明藥也

驚甲飲治小兒骨熱潮熱盜汗

驚甲

炙

地骨皮

秦艽

柴胡

枳殼

炒

知母

當歸

等分

右咬咀三歲一錢水煎加桃柳枝各三寸烏梅一箇
按此少陽厥陰藥也氣血之劑

鎮心丸治內熱生驚痰盛

甜硝

一兩

人參

一兩

甘草

炙

寒水石

燒一

半兩

山藥

茯苓

各二兩

硃砂

一兩

腦麝

各一錢

右為末蜜丸雞頭要紅入臘脂量兒大小與服

按此手太陰少陰足陽明太陽藥也

化毒丹治心胃內熱驚悸

生熟地黃

各五兩

天門冬

麥門冬

去心

焙各
三兩

玄參

二兩

甘草

炙

甜硝

各二兩

青黛

一兩半

右為末入硝煉蜜丸如雞頭大每半丸或一九水下

按此手足太陰少陰藥也

甘露飲子治心胃熱咽痛口苦生瘡上攻牙齦腫

方見熱門

大黃丸

方見傷風門

絳雪丹治小兒諸熱陽盛發狂躁不安目赤煩渴

芒硝

一兩

硃砂

一兩

右為末浸蒸餅為丸雞頭大三歲兒一九沙糖水化

下無時

按已上二方陽明例藥也

易老羌活黃芩蒼朮甘草湯治壯熱體重而瀉

羌活

黃芩

蒼朮

甘草

右等分咬咀水煎服

按此太陽陽明藥也

陳氏人參清膈散治小兒潮熱自汗骨蒸

人參

柴胡

當歸

芍藥

知母

桑白皮

白朮

黃芪

紫苑

地骨皮

茯苓

甘草

桔梗

各一兩

黃芩

半兩

石膏

滑石

各半兩

右為粗末每三錢水煎入薑

按此手足太陰足少陽厥陰陽明藥也虛熱煩熱氣血皆可用

謹按已上諸方姑隨輕重例因舉其槩至於食熱痰熱驚熱等候宜于後方內選用

治濕熱攻下之劑

錢氏牛黃奪命散治小兒肺脹喘滿胸高氣急兩脇扇動陷下鼻張悶亂嗽渴聲啞痰涎潮塞俗謂之馬脾風者

黑白牽牛

各一兩半
一半炒

大黃

檳榔

各一兩

右為末三歲兒每服二錢冷溫水調下涎多加膩粉少許無時

通膈丸

大黃

牽牛

木通等分

右為細末水丸粟米大每三五十丸量大小虛實與服

按已上二方陽明例藥也

治驚之劑 宜與風癇門兼看

錢氏涼驚丸

草龍膽

防風

青黛

各三錢

鈎藤

二錢

牛黃

麝

各一字

黃連

五分

龍腦

一字

右糊丸粟米大每三五丸金銀湯下

按此治風熱之劑也

局方天麻防風丸治小兒驚風身熱喘麤多睡驚悸手

足搐搦精神昏憤

天麻

防風

人參

各一兩

蝎尾

炒半兩

甘草

硃砂

雄黃

各二錢半

牛黃

麝

各一錢

殭蠶

炒半兩

右為末煉蜜丸櫻桃大朱砂為衣每一丸薄荷湯化

下

按此治風癇通關竅藥也

三因方治陽癇驚風熱證面赤身熱發搐直視牙緊

朱砂

一錢

膩粉

麝

半錢

蘆會

白附子

甘草

各二錢

胡黃連

一錢

蝎梢

七箇

殭蠶

七箇

金箔

七片

赤脚蜈蚣

一條炙

右為末二歲已上服半錢金箔薄荷湯下

按此治風熱痰之劑透關通經絡藥也

全嬰方睡紅散治小兒急慢驚風手足搐搦目瞪神昏

牛黃

礪砂

腦子

真珠

水銀

砂子各半錢

青黛

蝎尾

炒

京墨

燒

南星

半夏

同上姜製一夕

蛇含石

淬各一錢

金銀箔

各十片

麝香

一字

烏蛇尾

并項下七寸並酒浸一宿取出皮骨炙一錢

右為末三歲一字薄荷湯下

按此治風熱痰藥通關透肌骨之劑也非風邪下

陷者不可輕用

東垣硃砂安神丸

方見熱門

按此寧心清神涼血之劑也

謝氏奪命丹治急驚不省人事眼定不動牙關不開唇

白并黑者

南星

半夏

各四錢為末並以生
姜汁和作餅子晒乾

真珠

新白者
二錢

巴豆

去油淨
一錢

硃砂

四錢

金箔

銀箔

各十片

輕粉

麝

各半錢

右九味各為末和勻飛羅麪打糊為丸如黍米大每一歲兒一丸燈心湯下

比金丸治小兒風熱丹毒急慢啞驚

前奪命丹中減去金銀箔加真鬱金末三錢丸如上法

利驚丸

前比金丸中去鬱金加腦子半錢白頸蚯蚓一條

用刀截斷首尾兩頭齊跳者用之去土秤二錢九服如上法

按此三方導痰藥也白餅子加減法

按已上諸方治陽癇之藥不問急慢但係陽證諸熱者宜隨表裏輕重擇用之

錢氏溫驚丸

天南星 為末入臘月牛膽中百日陰乾為末四兩

硃砂 一錢

天竺黃 一兩

坯子臘脂

片腦 各一錢

右用牛膽汁和丸雞頭大每一丸小者半丸沙糖水
化下

羌活膏治脾胃虛肝氣熱盛生風或吐瀉後成慢驚
者

羌活

川芎

人參

白附子

赤茯苓

各半兩

天麻

一兩

僵蠶

炒

乾蝎

炒

白花蛇

酒浸焙各一分

川附子

炮

防風

麻黃

各三錢

肉豆蔻

母丁香

藿香葉

沈香

木香

各式錢

輕粉

一字

真珠末

牛黃

各一錢半

龍腦

半字

麝

一錢

雄黃

辰砂

各一分已上七味各另研

右為細末熟蜜劑旋丸大豆大每服一二丸食前薄
荷湯或麥門冬湯下

三因方治陰癇慢驚

黑附子

剉去皮

南星

生

半夏

各二錢

白附子

一錢半

右研細井花水浸七日每日換水浸控乾入朱砂二錢麝一錢拌勻每服一字薄荷湯下量大小與服或丸如粟米大每二十九丸薄荷湯下此白丸子方也因分兩不同故兩存之

經驗方保生錠子治急慢驚風

蛇含石

四兩火煨醋淬十數次研為極細末

南星

一兩先泡細切再炒

白附子

去皮一兩

硃砂

三錢另研極細

麝 一錢

右為細末用糯米粉煮作餅搗和前藥令勻作錠子
臨用薄荷湯濃磨汁服一二口

全嬰方麝香餅治小兒急慢驚風進退不定在再經日
乍靜乍動嘔吐痰涎潮搐甚者宜此

麝香

蝎尾

去毒

蜈蚣

二條酒浸酥炙

南星

炮

川烏

炮

白花蛇

酒浸一夕去骨
皮焙已上各半

乳香

鉄粉

硃砂

牛黃

各一錢

右為末酒煮糊丸如雞頭大拈作餅子三歲兒一餅用薄荷湯下

按此厥陰例藥也非風在關竅肯察者不可用義見中風門通關透骨例

全蝎散治小兒急慢驚風潮作不定心肺中風

蛇頭

一箇酒浸

蜈蚣

一條酥炙

蝎一錢

草烏

一箇去皮尖

麻黃

去節一錢

朱砂

一錢

腦麝

各一字

右為末一歲一字薄荷湯下

奪命散治小兒急慢驚風諸藥無効者一服見效

白附子

黑附子

炮

南星

炮

天麻

防風

半夏

炮

麻黃

去節

朱砂

燭

新薄荷葉漿姜汁蘸炙三兩次各一錢

右入麝香半錢為末三歲半錢薄荷薑汁更入酒些
小熱湯共調下

按此二方太陽例藥也

鈎藤飲子治吐利脾胃氣弱虛風慢驚

鈎藤

三分

蟬殼

防風

人參

麻黃

去節

殭蠶

炒

天麻

蝎尾

炒各半兩

甘草

炙

川芎

各一分

麝

一錢另研

右同為細末每服二錢水煎量多少與之寒多者加附子半錢

按此升陽越脾氣藥也

寧心膏治小兒精神不定恍惚不寧恐畏多哭驚魔

人參

白朮

白茯苓

茯神

山藥

羌活

甘草

炙各一錢

朱砂

一錢

腦麝

各一字

右為末煉蜜丸如雞頭大二歲一九薄荷湯化下
按此養氣疎風清神之藥也

寶鑑天麻散治小兒急慢驚風其效如神

半夏

七錢

天麻

二錢半

甘草

炙

白茯苓

白朮

各三錢

石水一盞入磁器內煮水乾將生薑三錢同煮候乾
為末每服一錢半薑棗湯調下

按此溫脾養胃之劑非止於跖風勝痰藥也大抵小
兒血氣未充體虛者多或因病後致者宜與此調理
而不為峻劑下陷轉成壞證者此三方則庶幾矣

謹按已上諸方治陰癰不問急慢驚但係陰證宜隨
表裏輕重選用則半陰半陽慢脾之法例在其中矣
經驗方噤驚開關散牙關緊急者用之嚙鼻并擦牙

蜈蚣

一條炙

直僵蠶炒

南星

各一錢

麝一字

猪牙皂角

一定畧煨存性

右各為末研極細少許搐鼻如欲擦牙者用生薑汁
蘸藥擦牙上

全嬰方探生散治小兒急慢驚風諸藥無效者吹鼻定
死生

沒藥

雄黃

各一錢

乳香

半錢

麝

一字

右為末少許吹鼻如眼泪鼻涕俱出者可治

按此二方捷嚏藥也

吐風散治小兒急中風口噤不開不省人事

全蝎

一箇炒

瓜蒂

十箇炒

赤小豆

三十粒

右為末一歲一字溫米飲調下未吐再服

碧雲散治小兒急風卒中涎潮氣粗不省人事

石礫

四錢

輕粉

一錢

右為末每一字薄荷湯下酒少許同調下良久先吐

後利

一方以銅青為末醋糊丸如雞頭大每一丸薄荷湯磨下須臾吐涎似膠以手拽出神效

天霜散治小兒急中卒風并急驚口噤搦搐涎盛昏塞不語

辰砂

粉霜

輕粉

南星

炮各半兩

蝎尾

白附子

藿香葉

各一錢

右為末一歲半字薄荷湯調下茶亦得未吐再服

按已上三方宣劑也宜選用然此方吐中兼汗下也

錢氏利驚丸治小兒急驚風涎盛發熱潮搐

青黛

輕粉 各一錢 牽牛 半兩

天竺黃 二錢

右為末白糊丸如小豆大二十丸薄荷湯下

按此下濕熱痰之劑也

全嬰驅風膏治小兒肝風筋脉拘急面紅目青眼上驚
搐及胎風

辰砂

蝎尾

當歸

龍膽草

川芎

山梔

大黃

羌活

防風

甘草

各一錢

右為末入麝香一字煉沙糖丸如雞頭大三歲一丸薄荷竹葉蜜湯化下

按此下風熱之劑也

珍珠丸治小兒急慢驚風發搐涎潮壯熱及痰嗽壅塞

白附子

滑石

巴豆

十五箇
去油

輕粉

南星

各一錢

右為末糊丸如小豆大三歲一二丸葱白湯下

按此下食痰導滯之劑也白餅子加減法

通關散治小兒驚風已退聲不能言

右以南星大者炮為末三歲一錢猪膽汁調下嚥入

喉中便能言

灸驚風法

附臍風撮口法

寶鑑云小兒急驚風灸前頂一穴在百會前一寸若不愈須灸兩眉頭及人中一穴各三壯如小麥大

小兒慢驚風灸尺澤穴各七壯在肘中橫紋上動脉中

炷如小麥大

初生小兒臍風撮口諸藥不效者取然谷穴在內踝前
踝骨下陷中可灸三壯針入三分不宜見血立效

小兒癲癇瘕瘕脊強互相引灸長強穴二十壯在脊骹
端跌地取之乃得

小兒癲癇驚風目眩灸神庭一穴七壯在鼻直上入髮際五分
小兒風癇者先屈手指如數物乃發也灸鼻柱入髮際
宛宛中灸三壯如小麥大

小兒驚癇先啼怖啼叫乃發也灸頂上旋毛中三壯及
耳後青脈旺如小麥大

治痰涎之劑

青州白丸子

南星

三兩

半夏

七兩

白附子

二兩

川烏

半兩各
生用

右為末絹袋盛井水擺盡為度別換水浸三五日晒
乾糯米粉丸

按此治寒痰風痰藥也

抱龍丸治風痰壅盛驚搐昏睡

雄黃

辰砂

天竺黃

各四錢麝香一錢

牛膽南星

八錢入臘月牛膽中陰乾百日內用如無生者水浸二日焙用

右為末煮甘草糊丸如皂子大三歲一丸量大小與服薄荷湯下

按此治風痰熱痰藥也

宣風散

檳榔

二箇

陳皮

甘草

各半兩

牽牛

四兩半生

半熟

右為末每一錢量大小與服湯調下

按此下濕痰之劑也

褊銀丸治風涎膈實上熱及乳食不消脹氣喘

巴豆

半兩去油研

好墨

八錢燒醋碎

水銀

半兩

黑鉛

一錢半與

水銀結

砂子

麝香

半錢別研

右將巴豆末并墨再研和勻入砂子等陳米粥和丸如菜豆大捻作餅子一歲一丸薄荷湯下

按此下食痰癖積藥也

謹按小兒多痰熱宜用抱龍丸與化毒丹等煎服故
茲例不多錄

治內傷及癖積之劑

錢氏白餅子治腹中有癖但飲乳噉而吐痰涎

方見痰飲門

按此下痰積食積藥也義見痰飲門

消積丸

丁香九箇

砂仁

十二箇

巴豆

二箇去油

烏梅肉

三箇

右為末麪糊丸黍米大三歲已上三五丸已下三二

丸溫水下

消堅丸消乳癖及下交妳又治痰熱膈實取積

硃砂末

巴豆

去油淨

輕粉

各一錢

水銀砂子

兩皂子大

黃明膠末

五錢

右同研勻入麪糊丸如麻子大倒流水下一歲兒一

丸食後服

按此二方有寒熱輕重之分宜選用後法同

寶鑑三稜煎丸治小兒飲食過多痞悶疼痛宿食不化

久而成癖

廣木

黑角者

荆三稜

二味濕紙裹煨為木各一兩

大黃

去皮八兩

右將大黃為末石器內以好醋浸令透慢火熬成膏
和二藥為丸麻子大或菜豆大每一二十九丸食後溫
水下

鱉甲猪肚丸治癖發熱

鯪甲

九肋者七錢醋煮黃色

青蒿

黃連

錢各七

青皮

枳實

炒

木香

各半兩

柴胡

一兩

右細末獐猪肚一箇去脂貯藥蒸熟同和梧子大每一三十九食後人參湯下

廣术化癖丸治乳食不消心腹飽脹壯熱喘麓嘔吐痰逆食癥乳癖

代赭石

醋淬

當歸

朱砂

研

枳殼

炒

廣术

炮

荊山稜

炮各半兩

木香

一兩

麝香

巴豆

去油各一分

右末研勻糊丸如麻子大每一歲兒二丸米飲下

灸癖積法

寶鑑云治小兒癖氣久不瘥中腕一穴章門二穴在大橫外直臍季脇端側卧屈上足舉臂取之各灸七壯臍後脊中灸二七壯

治小兒脇下滿瀉利體重四肢不收瘥癖積聚腹痛不嗜食寒熱取脾俞二穴在第一側下兩旁相去各一

寸五分可灸七壯又治腹脹黃疸可灸三壯

治瀉痢之劑

錢氏白朮散

藿香葉

白朮

木香

白茯苓

甘草

人參

各一錢

乾葛

二錢

右為末每一錢至二錢水煎服

異功散

四君子湯加陳皮一方只用參朮甘草三味名溫

中湯

按此二方補脾湯加減法也

益黃散

陳皮 一兩

青皮

訶子肉

甘草 炙

丁香 二錢

右為細末每二錢水煎服

沒石子丸

木香

黃連

各二分

沒石子

一箇

豆蔻仁

二箇

訶子肉 三箇

右為末飯丸麻子大米飲下十五丸量大小與之
按此二方兼止瀉藥也

五苓散治瀉而渴

方見濕門

羌活膏治小兒洩瀉發搐

方見前

溫白丸治小兒脾氣虛困洩瀉瘦弱冷疳洞利或驚

天麻

半兩

殭蠶炒

白附子

乾蝎

南星

浸各一錢

右為末浸寒食麪為丸如菰豆大每五七丸至二三十丸姜湯下仍於寒食麪內養七日取出

迴生散治小兒吐瀉

大南星

八九錢已上者

右用地坑子一箇深三寸燒赤入好酒半盞下南星卻用炭火三兩條蓋候南星微裂取出剉再炒放冷

為細末每半錢或一字濃煎生薑防風湯調下

按此二方升肺脾之氣藥也

金液丹治吐利日久脾胃虛損手足厥逆神昏睡多露
睛口鼻氣冷欲成慢驚或身冷脉微自汗小便不禁
舶上硫黃十兩去砂石為末砂合子盛八分滿水
和赤石脂封縫鹽泥固濟晒乾再入水罐內泥固
濟火煨過候冷

右於乳鉢內研為細末水浸蒸餅丸桐子大或如菜

豆大每五十丸至百丸米飲下

按此厥陰例藥也

玉露散治傷熱吐瀉黃色

寒水石

石膏

堅白者各半兩

生甘草 一分

右同為細末每服半錢或一錢溫湯調下

按此陽明例藥也

豆蔻香連丸治洩瀉腹痛腸鳴

黃連

三分炒

肉豆蔻

木香

各一分

右為細末粟米飯丸米粒大每服十丸至二十丸
日夜各四五服米飲下

二聖丸治小兒臟腑或瀉或好久不愈

黃連

黃栢

去皮各一兩

右為末入猪膽內煮熟丸如菉豆大每二十丸米
飲下

按此解毒湯變法也與前方不同宜選用

羌活黃芩蒼朮甘草湯治壯熱體重而瀉

方見前

茯苓半夏湯治風瀉而嘔

方見痰飲門

東垣升陽益胃湯

方見補虛門

湯氏助胃膏治小兒氣虛乳食不進腹痛洩瀉腸鳴

陳皮

山藥

各四兩

甘草

炙

砂仁

白茯苓

藿香

桂

各二兩

肉果

人參

木香

丁香

白豆蔻

各一兩

右為末煉蜜丸和成膏每服雞頭大量大小與之

按此出太陽例冬月時令中藥

局方水浸丹治伏暑傷冷冷熱不調霍亂吐利煩渴

巴豆

大者二十五箇去皮研細去油盡

黃丹

一兩妙

右研勻用黃蠟鎔汁為丸如梧子大每一丸以水浸少頃別以新水吞之量大小與服

按此足陽明藥也

小香連丸治熱痢腹痛

木香

訶子

各一分

黃連

半兩

右為末飯和丸菜豆大米飲下十九至三十九丸頻服之

胃風湯

方見洩瀉門

全嬰方訶梔散治小兒純下血痢腹痛

訶子

半兩燒去核

梔子仁

一錢半

金匱要略卷五十一
右為末三歲半錢米湯調下食前

按此治熱之劑也

桃花丸治小兒赤白痢腹痛

赤石脂

川乾薑

炮等分

右為末糊丸如小豆大三歲三十九丸米湯下

按此治寒之劑也

瀉腸丸治小兒下痢赤白後重頻併

龍骨

海螵蛸

訶子

炮去核等分

右為末糊丸如小豆大三十九米湯下

按此止瀉之劑也

東垣厚腸丸治小兒乳食不能尅化或生腹脹瘦弱痢瀉無常色

橘皮 三分

大麥麴 半錢

半夏 三分

枳實 半錢

蒼朮 三分

青皮 二分

人參 三分

厚朴 二分

麴末 半錢

右為細末煮糊為丸如麻子大每二十九溫水下食

前

按此足陽明太陰藥也

按已上諸方姑脩其例宜兼看瀉痢二門而分治之

治咳嗽之劑

麻黃湯治傷風咳嗽喘急無汗

方見寒門

按此治風寒之劑也

敗毒散治時氣咳嗽

方見前

按此治風溫之劑也

紫苑散治小兒咳嗽上氣喉中水雞之聲

射干

紫苑

款冬花

各三錢

麻黃

四錢

細辛

二錢

半夏

一錢

五味子

六錢

右以咀三歲兒一錢水煎入薑棗少許

百部飲治小兒喘嗽日夜不得睡目鮮如突出之狀

百部

生薑

各八錢

細辛

甘草

各三錢

貝母

白朮

五味子

各二錢 桂心 四錢

麻黃

二錢

右咬咀三歲兒一錢水煎

按此二方太陽例藥宜分輕重選用

紫蘇子散治小兒欬逆上氣因乳哺無度內挾風冷傷肺氣或啼未定與乳乳與氣相逆不得下

蘇子

訶子

蘿白子

杏仁

炒

木香

人參

各二錢 青皮

甘草

各一錢半

右為末每一錢水煎入薑量大小與服

按此下氣導痰藥也

葶藶丸治乳食衝肺咳嗽面赤痰喘

甜葶藶

隔紙炒

黑牽牛

炒

漢防已

杏仁

炒各一錢

右為末入杏仁泥取蒸陳棗肉和再搗為丸如麻子大每五丸至七丸生薑湯下

按此下濕之劑也

全嬰方雄朱丸治小兒咳嗽有痰潮熱

雄黃

一錢半

巴豆

七粒

半夏

半兩

右為末糊丸小豆大一歲二丸姜湯下

按此藥風痰濕痰乳癖藥也

潤肺散治小兒涎嗽不已氣急煩渴

麻黃

二錢

甘草

一錢

人參

知母

各二錢半

陳皮

一分

桔梗

阿膠

炒

百部

各半錢

右為末三歲一錢水煎

按此手太陰足太陽藥也

人參丸治小兒欬嗽有痰氣急惡心

人參

半夏

白朮

川姜

南星

炮

右等分為末姜糊丸小豆大三十九姜湯下

按此手足太陰藥也

參杏膏治小兒久新咳嗽氣急惡心有痰咯血

人參

阿膠

杏仁

炒

款冬花

五味子

甘草

訶子

貝母

右等分為末煉蜜丸雞頭大三歲兒一九白湯下

補肺散治小兒久患欬嗽氣急有痰

阿膠

糯米

各一兩

馬兜鈴

甘草

各半兩

杏仁

七十粒

大力子

一分

右咬咀三歲兒一錢水煎服

按此二方手太陰之的藥也

瀉肺散治小兒肺氣熱盛而欬

方見熱門瀉白散

治嘔吐之劑

茯苓半夏湯

方見前瀉劑

迴生散治小兒吐瀉

方見前

異功散

方見前瀉劑

藿香散治脾胃虛有熱面赤嘔噦

麥門冬

半夏

甘草炙

石膏

各半兩

藿香一分

右為末每半錢至一錢水煎入薑

全嬰方消食丸治小兒生冷傷脾腹痛惡心

即局方小七香丸

拔萃定吐紫金核

半夏末製

人參

白朮

木香

丁香

藿香各二錢半

右為末稀糊為丸如李核大後用沈香硃砂各一錢研勻為衣陰乾每一丸棗湯磨下

謝氏燒針丸專主吐逆

府丹不拘多少

右件研極細去皮小棗肉和劑為雞頭大每用針簽於燈上燒灰為末乳汁下一丸

按此亦劫劑也已上方唯藿香散出陽明例藥餘溫劑宜隨輕重選擇出理中例

治疳之劑

錢氏木香丸治小兒疳瘦腹大

木香

青黛

檳榔

豆蔻

各一分

麝香

一錢半

續隨子

一兩

蝦蟇

三箇燒存性

右為末蜜丸漿豆大每三五丸至一二十丸薄荷湯

下

按此手足太陰藥也

六味地黃丸治小兒疳瘦不行解顙骨熱

方見補虛門

全嬰方蘆薈丸治小兒疳氣腹急骨熱

蘆薈

木香

檳榔

各一分

黃連

一兩

蕪荑

去皮

青皮

陳皮

各半兩

巴豆

三七粒同

上四味炒黃去豆

蝦蟇

酒浸炙黃去骨一兩

右為末猪膽丸小豆大三歲三十丸米湯下

按此手少陰手足太陰藥也

蒸雞丸治小兒疳癆骨蒸潮熱盜汗瘦弱腹急面黃食

不生肌肉

黃連

二兩

柴胡

一兩

蕪荑

鶴虱

各半兩

秦艽

知母

紫苓

史君子

去殼

炒各一兩

右為末黃雄雞一隻重一斤籠之專以大麻子飼之
五日後去毛及腸肚淨入前末子以綫縫之取小甑
子先以黑豆鋪甑底三寸安雞四旁及上黑豆蓋之
早蒸至晚取肉研和硬入酒糊丸如小豆大二歲二

十九加減與之米飲下忌豬肉

按此手少陰足少陽藥也

肥兒丸截疳殺虫治腹脹消食

史君子

肉

蘿白子

各二兩

小紅棗

肉一兩

糖毬子

末

飛羅麪

各二兩

右取好黃土和作一爐墩子內底下蘿白片鋪一層
次將史君子肉鋪在當中次又鋪蘿白一層上安棗
肉蓋於上以泥封固其外以炭火煨至內三物熟爛

了取出以飛麴子末和勻丸如麻子大量兒大小
與服米飲下

按此足陽明太陽藥也

五疳消食丸消疳殺虫退熱磨積進食

史君子

肉炒

麥蘖

炒

陳皮

麥麴

炒

蕪荑

草龍膽

黃連

炒

糖毬子

等分

右為細末陳米飯為丸如黍米大每十九米飲下

按此手少陰太陰藥也然疳證自有虛實積熱等致不同已上諸方未能以盡其變學者自宜推格治之
治瘡疹之劑

升麻湯治小兒瘡疹未出發熱

升麻

葛根

芍藥

甘草

右㕮咀水煎

按此足太陽陽明藥也

錢氏四聖散治瘡疹出不快

紫草

木通

甘草炙

枳殼炒

右等分為粗末每一錢水煎服陳氏加黃芪

按此足陽明手太陰藥也

調肝散治瘡疹大盛宜服此令瘡不入眼

生犀二錢半

龍膽草一錢

黃芪半兩

大黃二錢

桑白皮半兩

鈎藤子各一錢

石膏半兩

麻黃

瓜蒌

甘草

右為粗末每二錢水煎服食後

按此手太陰足陽明藥也內外實者非此不可

化毒湯治豆瘡已出不快

紫草茸

升麻

甘草

炙等分

右咬咀入粳米五十粒水煎

按此足陽明藥也

鼠黏子湯治豆瘡欲出未能得透皮膚熱眼赤心煩咽

嗑不利

鼠黏子

炒四錢

荆芥穗

二錢

甘草

一錢

防風

半錢

右為細末沸湯點服去防風名消毒散

按此太陽少陽藥首論溫平者此也

活血散治豆瘡出不快

白芍藥

炒一錢

右為末酒調服腹痛溫熱水調下

按此正的太陰藥也海藏云張和之治四肢出不快
加防風大效

犀角地黄湯治瘡疹出太盛便血或鼻衄

犀角 一兩

生地黄 二兩 赤芍 三分

牡丹皮 一兩

右咬咀三歲兒一二錢水煎服

按此足太陰少陰手太陰藥也

葛根麥門冬散治小兒熱毒斑瘡出多心神煩悶

葛根

麥門冬 各三錢 人參 二錢

石膏 半兩

升麻

甘草

茯苓 各二錢 赤芍 一錢

右咬咀每三錢水煎服

按此足陽明手太陰藥也

連翹散治瘡疽發熱

連翹

防風

梔子

甘草

右為末水煎

按此治熱在外而不厥少陽藥也

如聖飲子治瘡疹毒攻咽嗑腫痛

桔梗

甘草

鼠黏子

炒各一兩

麥門冬

半兩

右為末竹葉同煎二三錢

按此手太陰少陰藥也

解毒防風湯

防風

地骨皮

黃芪

芍藥

荊芥

枳殼

鼠黏子

各半兩

右為粗末每服四五錢水煎

按此手足太陰藥也

真牙湯治癰瘡黑陷者

人牙二枚燒存性入麝香少許

右為末用紫草升麻湯調下

御藥院方無價散治痲瘡不出黑陷欲死者

人猫猪犬糞臘月內燒為灰

右為末每一字蜜湯調服量大小與之

按此二方劫劑也

當歸丸治瘡疹能食而大便秘

當歸

半兩

甘草

一錢

黃連

大黃

各二錢半

右將歸熬膏子入下三味末為丸漸加服至利為度
按此足陽明厥陰藥也

棗變百祥丸

紅牙大戟

去骨
一兩

青州棗

去核三
十箇

右用水一碗同煎至水盡為度去大戟不用將棗焙乾可和作劑從少至多服至利為度

按此足少陰藥也

陳氏異功散治小兒痘瘡欲靨之際頭溫足指冷或腹脹瀉渴氣促或身不壯熱悶亂不寧臥則哽氣煩渴咬牙

木香

三錢半

官桂

二錢

當歸

三錢半

人參

二錢半

茯苓

二錢

陳皮

厚朴

二錢半

白朮

二錢

半夏

一錢半

丁香

肉豆蔻

二錢半

附子

一錢半

右為粗末每二三錢水煎入薑棗

按此足太陽少陰厥陰手足太陰藥也

謹按已上瘡疹諸方有升散補脾涼血瀉火清神攻下溫中補劫之法不同學者自宜取擇

局方涼膈散治瘡痘已出發熱作渴脈實悶亂便實者

方見火門

謹按瘡瘍已發有寒熱溫涼不同形氣虛盛之異已
上二方宜對脈證選用有起死迴生之効也足陽明
藥

地骨皮鼠黏子湯 本方加地骨皮

桔梗甘草鼠黏子湯

桔梗甘草梔子湯

防風芍藥甘草湯 並三味治證見前

升麻加紫草湯

升麻湯加紫草

荊芥甘草防風湯

三味治證見前


紫草甘草枳殼湯

四聖散減木通

連翹防風湯

前連翹散減梔子

並治證見前論



玉機微義卷五十